

CHRIS

Dum



Cim

1921-

-1923

Autor,  
cum,

reus esto  
liber!

Teolog 3043 h

39. VI. 21.

Notandum ex hoc libro  
Coe Melanctone. pag -- 215  
quod sit Sacramentarius  
de Proelio quod sit etiam  
in nonnullis faueret 220.



Handwritten text, possibly a title or header, in a cursive script.

Handwritten text, possibly a list or a series of entries, in a cursive script.

D. O. M. A. E. C.

## Disputatio II.

COLLEGII CORPORIS DO-

*ctrinae Præbendarum Ecclesiarum,*

DE PRINCIPIO NOR-

MALI, SIVE CANONICO

adeoque Scripturâ sacrâ.

SUB PRÆSIDIO

COELESTINI MISLENTÆ,

SS. Th. D. eiusdem, ut &amp; Hebr. lin-


guae Profess. Ordinari. Consistorii

Sambienf. assessoris.

RESPONDENTE

M. LAURENTIO WEGERO,

Boruffo.

*Publicè in Auditorio majori**7. Iunii habenda.*

REGIO MONTI.

Typis Laurentii Segebadli, Anno 1624.





## VIRO

*Reverendo, Nobilissimo, Clarissimo,*  
**Dn. BERNHARDO DER-**  
**SCHOVIO, SS. Theol. D. Eccle-**  
*siæ Palæopolitanæ apud Regiomon-*  
*tanos Pastori vigilantissimo,*

UT ET

*Viris Amplissimis, Consultissi-*  
*mis, Spectatissimis,*

**Dn. Johanni Gorio,**  
**Dn. Christophoro Rhodo-**  
**manno,**  
**Dn. Hiobo Lepnero.**

*Reipubl. Palæopolitanæ Sena-*  
*toribus dignissimis.*

**Dominis & Fautoribus**  
*suis submissè colendis*

*Hanc Theologicam disputationem*  
*dedicat*

**M. LAURENTIUS VVEGER**  
 Respondens.

*Ann. 1922 (6)*

Disputatio II. Generalis

De principio Normali, sive  
Canonico adeoque Scripturâ  
Sacrâ.

Respondente M. Laurentio VVebero.

**R**ECTÈ initio auctores Corporis Prutenici, solliciti fuere de Fundamento, sive de Normâ, tum pacis stabiliendæ inter dissentientes in hoc Ducatu; tum Articulorum asserendorum, ac repurgandorum ab inquinamentis impurarum Hæresium; tum rituum Ecclesiasticorum ad Ecclesiæ ædificationem conferentium, conservandorum.

2. Quorum nos etiam vestigiis insistentes, præsentî Dissertatione, paucis de Scripturâ Sacrâ collationem instituemus, æuri 1. De Scripturæ definitione Nominali, 2. de definitione reali, 3. de Affectionibus.

DE PRIMO.

3. Scriptura deducitur à scribendo, ac usurpata reperitur in sacris, & profanis. Hocce prætermisso usu, considerandû venit ratione usus sacri, quor modis Scripturæ appellatio occurrat.

4. In universum autem tenendum est Scri-  
B 2 ptura



pturam usu sacro capi, vel analogicè, vel metaphoricè, vel propriè.

5. Analogicè sumitur, quoties Scripta tum Apocrypha, tum Ecclesiastica Scripturæ S. nomine veniunt, nimirum ob analogiam & convenientiam cum Scripturis canonicis: propter quam & per quam, in tantum de veritate, & auctoritate, nec non certitudine participant; in quantum ad Scripturas Propheticas, & Apostolicas accedunt, cum iisq; conspirant.

6. Metaphoricè capitur, vel in malam partem; quo sensu Jer: c. 17. v. 1. peccatum Judæ scriptum esse perhibetur stilo ferreo, & ungve Adamantino exaratum in cordibus: vel in bonam, idq; vel pro decretis DEI Dan: 10. v. 22. Jud. v. 4. Apoc: 13. v. 8. &c. vel pro impressione aut implantatione divina, adeoq; internâ inscriptione tum legis Veteris Moralis Esa: 51. v. 7. Rom: 2. v. 15; tum legis Novæ vel fidei Jer: c. 31. v. 33. 34. Hebr: 8. v. 10. c. 10. v. 16.

7. Propriè idq; sub triplici consideratione  
1. ex parte materialis, adeoq; vel pro signaturâ vel scriptione DEI, de qua Joh: 8. v. 6. 8. vel pro signis Verbi DEI, tum ex parte; quoad Legem Moralem in tabulis exaratam, quæ quidem signa, non tam erant propriè scripta, quam creata per divinam potentiam: Huc pertinet scriptio illa Dan: 5. in pariete conspicua; tum ex toto, adeoque pro charactere Biblico, eoq; vel originali, Hebræo, Chaldæo & Græco, quo Codex

sacer



sacer est exaratus; vel Adventitio, ex humana translatione, ac industria profecto: qui per analogiam duntaxat sacer vocari poterit; in quantum ad originalem accedit, ejusdemq; formale repræsentat. Talis character apud varias gentes est varius, 2. ex parte formalis, & sic scriptura sumitur pro sententiis per scripturam literarum ac characterum repræsentatis; quæ consideratio scripturæ est ἐκ ἀφαιρέσεως, nominato quidem materiali, & formali simul; & solo formali subintellecto. 3. Ex parte materialis, & formalis simul, & sic Scriptura S. capitur pro verbo Dæ scripto, sive doctrinâ divinitus patefacta, & in scriptis Prophetarum, & Apostolorum comprehensa. Quæ consideratio Script. S. est ἐκ περιελάσεως, sive in concreto.

8. Prior acceptio propriè ad Grammaticam pertinet; secunda ante Canonis constitutionem locum habuit; Tertia nostro seculo post tempora Apostolorum absoluto Codice Biblico est usitata: de quâ etiam in subsequentibus membris ex professò agendum restat.

## DE SECUNDO.

9. Est autem Scriptura S. Verbum divinitus patefactum, in scriptis Prophetarum & Apostolorum comprehensum, huncq; in finem ordinatum, ut homines in fide salvificâ, & moribus instituat ac informet.

10. Generis loco ponitur Verbum DEI, quod magis proprius, ac proprium esse constat; quam vel Instrumentum, ut vult Trelcat: vel signum, ut Keckermann: & Martin: cum aliis Calvinianis; vel Testamentum, ut Aretius loc. 49. p. 564. vel fœdus DEI, uti Rolloc, de vocat. Efficac: cap. 6. pag: 48.

11. Impingunt in genus assignatum etiam Pontificii, negando Scripturam sacram per Verbum DEI definiri posse.

12. Tertiò Schryvenckfeld: qui negat Scripturam sacram propriè dici posse Verbum DEI: hoc enim fingit esse solum DEI Filium: cui favent quotquot retinent distinctionem in Verbum DEI externum & internum; hocce propriè Verbum DEI esse; adeoque per ipsum λόγον hypostaticum explicandum contendunt: id quod facit Osiander in Confessione Senatui Noribergen- si exhibita Anno 1525. heicq; Regiomonti Anno 1551. typis divulgatà, & cum eo Rathmann: Minister Daniscanus im Bedencken contra Dn. Dieteric: in appendice: VVeigelium & alios fanaticos securus.

13. Nos inter Scripturam & Verbum DEI nonnisi formale discrimen admittimus.

14. Distinctionem porrò Verbi in Inter- num, & Externum modalem agnoscimus, adfir-  
p. 472 mando, unum ac idem per omnia Verbum esse: Internum verò appellari ob effectum salutarem, quem interius in homine producit: Externum verò



513.  
verò, ob effectum salutaritèr à subjecto im-  
ditum. Ubi ab eventu si quis morosè distincio-  
nem realem urserit; nos ipsi opponemus absur-  
dum αλγελευον: non esse unum & idem semen  
quod in agrum fertilem & petrosam projicitur,  
ideo quia in illo fructificat; in hoc verò secus?  
Id quod contra Salvatoris sententiam Luc: 8.  
Matth: 13. Mar: 4.

15. Differentia in Definitione ex classe Re-  
latorum est desumpta. Primò occurrit Relatum,  
quod est ipsum Materiale in phrasibus, vel voci-  
bus Verbi DEI, sive Scripturæ S. consistens, idq;  
non simpliciter; sed complexim.

2. Correlatum, quod est ipsum formale in  
rerum significatione consistens, per Scripturam  
& voces repræsentatum. Circa quod tenenda  
axiomata:

1. Formale seu sensum Sacrarum literarum esse  
Unum per se, quem tùm auctoris intentio, tùm  
rei significatæ natura importat: contra Pontifi-  
cios, qui plures quam unum sensum Sacrarum  
literarum fingunt. Bellarmin: lib. 3. de Verb: DEI.  
cap. 3. Gregor. de Valent. super Thom: part. 1. Summ.  
Quæst. 1. artic. 1. Salmer. tom. 1. oper. prologom. 8.  
fol: 79.

2. Ex solo sensu literali argumenta valida, & ef-  
ficacia esse pœenda.

3. Sensum Scripturæ literalem etiam in non rea-  
genitos, vel non renatos cadere posse:

Contra Pontifi: Staplet: Canisium, Pistor. Hostium,

Mulhustn. Humleum, &c. & Calvinian: Keckerman: lib. 1. Syst. Theolog. c. 9. p. 195. Hoffmann. &c.

3. *Fundamentum*, seu causa Efficiens primaria hujus Relationis, videl: Revelatio, seu patefactio divina, ac institutio, quæ Verbis & Phrasibus Scripturæ S. significandi vim, & auctoritatem divinam imponit, confert ac confirmat. De quâ axiomata 1. *Revelatio divina seu patefactio efficit, quod extet aliqua disciplina supernaturalis, vel Theologica.*

2. *Revelatio vel Patefactio divina non est principium Logicum; sed Physicum cognoscendarum rerum Theologicarum; sicuti dictamen vel lumen rectæ rationis principium est assensus non Logicum, sed Physicum:*

3. *Patefactio igitur divina non assumitur ceu medium ad probandas conclusiones Theologicas, sed præsupponitur, adeoque ceu remotum extra, ac supra discursum consistit.*

Sequitur 4. *Terminus* seu finis Scripturæ S. estq; salutaris hominum in fide, & moribus instructio; nec non salutis & sanctificationis operatio. Notentur axiomata:

1. *Finis Scripturæ S. ex parte DEI, ejusq; intentione respectu hominum est unicus non geminus. contra Calvinian: Scripturæ S. duplicem finem fingentes ex DEI intentione; unum quidem ut Electi per verbum convertantur, credant, & salventur; alterum, quod reprobi per auditum Verbum indurentur, excæcentur, & interitum sibi accer-*  
santi,



fiant. Ita sentit Rennecher: in aureâ catena c. 14. p. 169. Piscator contra Tauferrer: p. 29. & in resp: ad Apolog: Bertii p. 600, cum Calvin: lib. 3. Instit. c. 24. s. 8. 12. & 13.

2. Finem Scripturæ S. DEUS vult efficaciter operari in omnibus hominibus, etque illum actu conferre intendit. contra Calvinian: finem Scripturæ S. ad solam Ecclesiam, adeoque ad solos Electos restringentes. Keckerm: lib. 1. Syst: Theolog: c. 8. p. 168. Terminus sive Finis, inquit, Verbi divini est, ut hoc medio Electi dirigantur in fide ac virtutem. conf. p. 170. 177. lib. 3. c. 7. p. 437. Piscat: in respons: ad amic. Duplicat. Vorst. part: 3. p. 194. Alsted: in Theolog: Didact. Scholast. sect. 1. c. 7. Theorem. 5. p. 36. & c. 9. Theorem: 2. p. 47. & Theor: 4. Marc: VVendelin: de prædestinat: c. 3. p. 15. & c. 15. p. 80. & seq. cum Calvin: lib. 1. Instit: c. 2.

3. Finem Script. S. vult DEUS omnibus conferre ordinariè mediante Verbi sui auditu. Rom: 10, 17. Contra Eusebistas & Calvinianos, contententes. Deum corda nostra regenerare, ac flectere non per verbum prædicatum: sed per occultum quandam Spiritus afflatum. Piscat: in volum: disput. 1. Loc: 1. Thes: 2. & disput: 2. Thes: 5. Alsted: in Theol: Didact: c. 3. p. 10. & lib. 1. præcogn: Theolog: c. 16. cum Calvin: lib. 1. Instit. c. 2. s. 39.

## DE TERTIO.

16. Duo sunt rei alicujus momenta, quædam constitutiva, quædam consecutiva; quibus etiam

iam ab aliis rebus discriminatur. Sic Scripturæ S. momentis Constitutivis expeditis contempla-  
bimur paucis momenta ejusdem consecutiva,  
quorum beneficio Scriptura S. ab aliis scripturis  
profanis, Ecclesiasticis, Apocryphis, &c. nec non  
Verbum DEX ab alio quovis Verbo discrimen  
sortitur. Ex multis autem sequentia producimus.

1. Scriptura S. est Divina. 2. Tim: 3. v. 16. Geô-  
mewcog 2. Pet: 1. v. 19. contra Pontificios profanè  
statuentes: Scripturæ S. nil divinitatis inesse:  
quæ formalia sunt Andrad. l. 3. pro Concil: Tridè.

2. Scriptura S. est Verissima Psal: 119. v. 43. 86.  
142. 151. 160. Psal: 33. v. 4. & 91. v. 1. 2. Sam. 7. v. 28.  
Joh: 17. v. 17. 19. Gal: 3. v. 1. Col. 1. v. 5. Tit. 1. v. 1. 2.  
Tim: 2. 18. c. 3. 8. Jac: 1. 18.

3. Script. S. auctoritate, omni quâvis alia  
Majore & Priore est prædita. Priore quidem, quia  
Scriptura S. est ultima in resolutione: ita omni-  
um prima in compositione omnium dogmatum  
credibilium, & moralium: Majore verò, quia su-  
perat omnem humanam imò Angelicam, ipsius  
insuper Ecclesiæ auctoritatem, Johan: 5. v. 36. 37.  
Gal: 1. v. 8. Contra Pontific: qui Scripturæ aucto-  
ritatem ab Ecclesiæ auctoritate suspendunt.  
Huntl. contr. 1. c. 15. 25.

4. Scriptura S. est dilucida, & perspicua, Psal:  
119. v. 105. & Psal: 19. v. 9. Contra Pontific. Scri-  
pturam obscuritatis incusantes. Bell. l. 3. de V. D.  
c. 1. Coster: in Enchir: p. 52. Huntl. de V. D. c. 21. f.  
101. &c. cum quibus etiam facit M. Rathman:

Ver.



Verbum externum, vel Scripturam S. in morem  
Nubis tenebrosæ, obscuram esse contendens :  
in cop. Demonstr.

5. Scriptura S. est *perpetuæ durationis*, Esa. 40  
v. 7. Psal: 33. v. 11. Psal: 119. v. 89. 96. 142. 144. 152.  
160. 1. Petr. 1. v. 25.

Contra Pontific. Scripturam post fidem, &  
Ecclesiam in V. T. duobus millibus annorum, in  
N. T. aliquot annis post missum Spiritum S. cœ-  
pisse, ajentes. *Huml. d. l. contr. 2. Coll. p. 206. Bel-*  
*lar:* eamq; interitui obnoxiam esse adfirmantes,  
quos sequitur *M. Rathmann:* in *Quæst: remis.* p. 15

6. Scriptura S. est omnium *certissima* Luc: 1.  
v. 4. *firmissima*, & *immutabilis*, Psal: 93. 5. Luc: 21. 33.  
2. Pet: 1. 9.

Contra Pontific: Scripturæ certitudinem,  
firmitatem, & immutabilitatem derogantes,  
*Huml. Controv. 2. d. Eccles. c. 11. p. 206. §. 2. 3. in-*  
*starq;* nati cerei eam sese habere clamitantes: ita  
loquitur *Albert. Pigbius* d. Eccl. contr. 3.

7. Scriptura S. respectu fidei est ordinariè  
*necessaria*: Hæc enim ex illa ceu fructus ex semi-  
ne nascitur, Luc: 8. v. 12. 13.

Contra Pontific: Scripturæ nullam necessi-  
tatem ratione fidei agnoscetes. vid. *Huml. d. l. §.*  
*5. p. 206. 207.*

8. Scriptura S. est *signum*, & nota manifesta,  
quâ distinguuntur fideles ab infidelibus. Deut: 4.  
v. 8. Psal: 81. v. 5. Psal: 147.

Contra Pontif: per Scripturam verè fideles

ab infidelibus minimè distingui statuentes. *Huml.*  
p. 207. §. 6.

9. Scriptura sacra est perfecta & sufficiens, quâ  
fidem salvificam & mores. *Psal.* 19. v. 8. *Deut.* 4. v.  
2. c. 12. v. 32. *Prov.* c. 30. v. 5. 6. *Apoc.* 22. 18. *Gal.* 1. v.  
8. 9. 2. *Tim.* 3. v. 16.

Contra Pontif: Scripturam imperfectionis,  
& insufficientiæ accusantes, eiq; Traditiones as-  
suentes, quibus salutis, & morum ratio fulcia-  
tur. *Bell.* l. 4. d. V. D. c. 3. 4. & 5. *Canis.* in *Catech.* c.  
5. *Lindan.* *Panopl.* l. 4. c. 100. *Petr.* à *Sot.* contra  
*Brent. Huml.* *Controv.* 1. de V. D. c. 27. sequ. usque  
ad fin. & *Contr.* 2. c. 11. p. 207. §. 7.

10. Scriptura sacra est unica & sola omnium  
Controversiarum de fide, & moribus Norma &  
Canon. *Psal.* 19. v. 5. *Gal.* 6. v. 16. *Philip.* 3. v. 16. plur.  
vid: in *Prefat. Corp. Pruten:*

Contra Pontif: clamantes: Scripturam non  
debere pro Norma agnosci, & vel si agnoscenda  
sit, non solam tamen, sed cum traditionibus.  
*Bellar.* l. 4. d. V. D. c. 4; 12. f. 254. *Lindan.* d. opt: in-  
terpret. ge. *Becan.* d. judic. contr. p. 10. *Collocutor.*  
*Ratib.* sess. 11. p. 325. *Greg. de Valen.* super *Thom:*  
disp: 1. *Quæst.* 1. punct. 7. §. 42. 43. & *Analyf.* l. 8. c.  
5. *Loffe.* lib. 2. c. 2. p. 43.

Contra *Calvinian:* & *Photinian:* qui articulos  
fidei non ad solam Scripturam, sed etiam ad ra-  
tionem humanam exigere solent.

11. Scriptura S. est omnium Controversia-  
rum de fide, & moribus iudex Normalis, Summo  
ipfi



ipſi Spiritui S. ſubordinatus. Hebr: 4. 12. Deutr: 17. 19. Pſal: 119. 12. Pſal. 119. v. 149. & 156. Joh: 12. 48 Rom: 2. 12. 16. Apoc. 20. 12.

Contra Pontifici: in partem negativam deſcendentes in act: Colloq: Ratiſb. ſeſs. 7. p. 168. uſque ad ſeſs: 10. cum Bellar: 1. 3. de V. D. c. 9. Humil. Contro. 1. de V. D. c. 20. f. 100. Subſtituentes nunc Eccleſiam in genere Humil. Contr. 2. de Eccl. c. 17. nunc Coneilia & Patres: Gloſſ: Jur. Canon. diſt. 19. cap. Anaſt. Alphons: d. Caſtr. l. 1. hæreſ: c. 4. nunc Papam cum Concilio; nunc Papam ſolum, teſte Bellar: 1. 3. d. V. D. c. 3. Atque poſtrema ſententia hæc eſt frequentata apud Pontifici: ac Communiſ. ex Colloq: Ratiſb. ſeſs. 1. & 7. Bellar: 1. 4. de Pontifici: Rom: c. 1. Gregor: de Val: lib. 6. Anal. c. 4.

12. Scriptura S. eſt organon vel medium Spiritus S. ad producendos effectus ſupernaturales, ſpirituales, ac ſalvificos, efficaciffimum. Nam 1. mentes illuminat, Pſal: 119. v. 9. Act: 26. v. 18. myſteria fidei intelligere faciens, Eph: 3. v. 9. Hinc vocatur lucerna, Pſal: 119. v. 150. 2. Pet: 1. v. 19. 2. Cor. 4. v. 4.

2. Corda convertit, emollit, flectit, ac penetrat, Pſal: 119. v. 8. Hinc vocatur Ignis, & malleus Dei, Jer: 23. v. 29. c. 20. v. 9. gladius anceps, Hebr. 4. v. 12. Ephes: 6. v. 17.

3. Eccleſiam gignit: Hinc vocatur Semen, & quidem incorruptibile, Matth: 13. v. 19. Mar: c. 4. v. 14. Luc: 8. v. 11. 1. Cor. 4. v. 15. & 1. Pet: 1. v. 23. Jacob: 1. v. 18; agrum inſuper humani pectoris forcum.

fecundum, ac fertilem reddit, instar nivis, & imbris, Esa: c. 55.

4. Vivificat: Hinc vocatur Verbum vitæ æternæ Act. 5. v. 20. Philipp. 2. v. 16. Joh. 6. v. 68. Spiritus, & vita v. 63. Sermo vivus, Heb. 4. v. 12.

5. Fidem procreat, Rom. 10. v. 17. Joh. 17. v. 20. Hinc vocatur Verbum fidei, v. 8. Eph. 1. v. 13.

6. Spem, & consolationem parit, Psal. 19. v. 9. 10. & 119. v. 50. 92. Rom. 15. v. 4. Ephes. 1. v. 13. Hinc Verbum DEI dicitur esse dulcius fave & melle, Ps. 19. 13.

7. Purificat, ac mundificat corda, Joh. 15. v. 3. Hinc vocatur Lex Domini munda, & immaculata, Ps. 12. v. 7. Psal. 19. 11, 12, 13.

8. Salvat, 1. Tim. 4. v. 16. Hinc vocatur potentia DEI ad salutem, Rom. 1. v. 16. 1. Cor. 1. v. 18 21. c. 15. v. 2. Jacob. 1. v. 21. nec non Verbum salutis, Act. 13. v. 26. Eph. 1. v. 13.

9. Oblignat corda nostra Spiritu promissionis sancto, Eph. 1. v. 13.

17. Contra 1. Schwenckfeldum, qui plus quam centies Scripturam sacram Verbumque DEI quod prædicatur, & auditur, Efficax esse pernegat; Deoq; salutare operationes in hominibus sine omni externo medio adfingit.

2. Pontificios, quorum pleriq; Scripturam S. vocant mortuam sine traditionibus, pleriq; instrumentum mutum, pleriq; literam occidentem, pleriq; insuper Script. S. ceu rem perniciosam, adeoque ex Ecclesia exterminandam, blasphemè clament.

Cona

3. *Contra Calvinianos*, duplicem errorem circa Efficaciam Scripturæ S. errantes, 1. Cum *Schwenckfeldo*, idq; vel *Directè* 1. *Schwenckfeldi* scripta, & sententiam commendando. Fecit hoc *Zwingl.* in Epist: commendatoria, præfixâ tractatui *Schwenckfeldi*. A. 1528. fecit idem *Johan: Oecolampad.* Basil. qui A. 1527. libellum *Schwenckfeldi* de cursu Verbi DEI prologo suo ornavit, ac publicum fieri curavit, ubi adnexa legitur sententia: *Oecolampad. Schwenckfeldiana*: 1. Bona spiritualia non conferri per externa media f. 337. 2. f. idem, & salutem non oriri ex Verbo Externo. 2. Efficaciam Scripturæ S. stilo & sensu *Schwenckfeldiano* prorsus elevando ut *Gockl.* lib. 1. proble. Logic. problem. 24. 3. *Schwenckfeldii* Enthusiasmos commendando, ut *Bucer.* in præfat. super Epist. ad Ephes. 4. Verbo DEI externo efficaciam detrahendo, uti *Oecolampad.* lib. de Verbo DEI Anno 1527. *Zwingl.* in Confess. Carol. V. A. 1530. exhibitâ; & in Colloquio Marpurg: A. 1529. *Bucer.* in Commentar: super *Johan: Beza.* part. 2. Responsi: ad act: Colloq: *Momp:* p. 116. 117. *Iac. Gryn.* in disp: *Heidelberg:* A. 1584. thes. 6. aphor. 4. *Pareus* in Exegesi. doctrin. *Palatin. Martin.* tract: 1. de Verbo DEI, c. 1. p. 17. & lib. 3. Catech: c. 3. p. 623. *Ravensberg.* Disput. de aurea salut. Caten. Quæsit. 1. *Piscat.* in amicâ Duplic. Vorst. part. 3. p. 390. Disput: Vol. 1. loc. 1. disput: 2. thes. 5. cum *Calvino* lib. 1. Instit. c. 2. §. 80.

18. Vel *Indirectè*, in probatione articulorum fidei



fidei Verbum DEI deferendo, ac ad visiones, revelationes, & somnia provocando: ut *Caroloſtadius* fatetur in libello suo edito A. 1524. de sensu verborum coenæ. *Zwingli*. in subsidio Eucharist: Tom: 2. 2. Certitudinem Electionis, gratiæ DEI, ac salutis, ab occultâ revelatione suspendendo, &c.

19. Alter Calvinianorum Error circa Efficaciam Script: S. est, proprius ab absoluto prædestinationis, & reprobationis decreto dependens; quatenus omnem Efficaciam Scripturæ S. ad solos Electos restringunt. *Keckerman: Piscat. Alsted. VVendelin.* locis Membro 2. circa Script: finem, Axiom: 2. allegatis.

10. 4. Contra Fanaticos, quales sunt *Anabaptistæ, Theophrastistæ, Fratres Rosæ Crucis, ac Embustistæ, VVeigeli*us insuper, isq; instar omnium, & non solum heic errat cum Pontificiis, sed etiam cum *Schwenckfeldo* per omnia fermè.

21. 5. Contra Schismaticos quosdam, ac imprimis *M. Rathmann: Ministrum Daniscanum*, qui inter reliqua paradoxa de Scriptura S. etiam illud morosè urget, quo Scripturæ sacræ, vel Verbo DEI externo, Efficaciam detrahat. Licet enim præter Objectivam, etiam Effectivam Scripturæ S. vel Verbo Externo tribuere videatur operationem; aded ut de injuriis sibi illatis, contra nostrates, utpote objectivam operationem tantum modò ex mente ipsius interpretantes, aliquoties protestetur,

22: Verumtamen, si mens Rathmanni probè expendatur; nè tantillum quidem operationis *Effectivæ* Scripturæ S. ab eo relinqui, certo certius erit. Id quod Hypotheses ejus ex *Schwenckfeldi*, *VVeigeli*, aliorumq; *Fanaticorum* Scholâ desumptæ ad oculum evincunt. Negat enim Scripturam sacram (quatenus talem) in materiali, formali suo consideratam, in se, & per se, ultra *objectivam* operationem assurgere. In *Copia Deæ monstr.* p. 3. A. S. 3. Confer in *Question: remiss.* ad *Quæst.* 5. p. 22. & ad *Quæ.* 6. p. 25. 26. *Hedend.* p. 89.

Ubi notand: 1. Scripturam S. à Rathmanno considerari, non secundum Materiale solum, in characteribus, apicibus, ac literis consistens; sed etiam secundum Formale, adeoq; in concreto; imò insuper in usu lectionis, & cognitionis, quatenus non modo à piis; verum etiam ab impiis, imò ipso Diabolo legitur, ac cognoscitur: alias enim extra usum, hæc de impiis, & Diabolo dici non possent: Deinde quia de lumine objecti statuit, quod hoc in Diabolos & impios cadat: Atqui lumen illud non est sine Scripturæ sensu uti loquitur Rathmann. Ergo etiam Scripturæ sensus in eosdem cadit. vid. *Quæst: remiss.* p. 25. & 26. *Hedend.* p. 89. & 113.

2. Scripturam in concreto consideratam (h. e. ex Materiali, & Formali compositum quid) non habere potentiam sibi intrinsecè inditam à Spiritu S. producendi effectus supernaturales, ac salpificos; adeoq; non assurgere ultra operationem *objectivam*, in se, ex se, & per se: Nem illa potentia supervenit Scripturæ S. cui Enti jam in actum constituto, in morem accidentis, ob ex-

trinfecam Spiritus S. ceu causæ principalis assistentiam, qui tum demum Scripturam S. ceu Instrumentum sibi subordinatum, ad effectus supernaturales, spirituales, ac salvificos producendos, elevat, exaltat, inq; vivam operationem deducit; ad quos Scriptura S. suâ virtute internâ nativâ, sibi que inditâ ceu propriâ in Quarto modo, est prorsus impar, & improporcionata: vid. Quæst: remils. p. 22. Cop. Demonstrat. p. 2. B. Bedendf. p. 31. & 32.

3. Scripturam S. vel Verbum DEI Externum, ad hanc supernaturalem Efficaciam à Spiritu S. elevari beneficio Luminis subjecti, quod Rathmann: vocat principale, ad differentiam Luminis objecti, quod Rathmanno est Instrumentale: Hoc porro ex mente ipsius est Scripturæ proprium, & innatum: illud verò adventitium. Hoc nimirum objecti in collatione mutuâ est obscurum; illud verò vid: subjecti, est clarum; Hinc Lumen Subjecti ex sentent: Rathmanni, duplex subit officium 1. Lumen objecti, vel Instrumenti Scriptur. S. Clarum reddit (Ergo Scriptura objecti Lumine prædita, erit obscura). 2. Intellectum illuminat, quo lumen Scripturæ arripiat, & apprehendat.

Talia inculcat in præfat. vom Gn. reich/ B. 1. p. 2. im Bedendfen. p. 40. 105. Item. p. 97. & 98.

4. Hinc concludit: in actu conversionis, illuminationis, regenerationis, &c. Spiritus S. Lumen illud Subjecti, vel Gratiz, ordine naturæ antevertere Scriptur. S. salutariter intellectam. In Quæst: remils. p. 32. im Bedendfen. p. 90. & 91. in Copia Demonstr. p. 4. B. in præfat: vom Gn. reich/ B. 3. f. B. S. 3.

23. Nos primâ notâ extra dubitationis aleam possi-



positâ, eâq; alibi fufius probatâ, reliquas tres hypotheſes Schrenckſeldianas, & Hereticas indubitâtò pronunciamus.

24. Secundam enim quod attinet; Primò falſum eſt: Scripturam S. non habere potentiam ſibi intrinſecè inditam à Spiritu ſancto producendi effectus ſalvificos.

Conrà Quicquid eſt 1. potentia DEI ad ſalutem, Verbum Vitæ, Spiritus, & vitæ; ſermo vivus, & efficax; ignis, flamma, lucerna; ſemen immortale homines regenerans; Sermo DEI viventis; illud habet potentiam ſibi intrinſecè inditam à Spiritu S. producendi effectus ſupernaturales, & ſalvificos. Ratio copulati: fundamentum quippe omnium ejusmodi denominationum eſt intrinſecum: uti cuius in propatulo, rectâ ratione prædito. Atqui omnia illa prædicata attribuntur Scripturæ S. uti ſuprà Theorem: 12. probatum. E. 5<sup>ta</sup>

25. Deinde falſum eſt, Scripturam in ſe, ex ſe, & per ſe, non aſſurgere ultra operationem objectivam. Conrà: illuminatio, converſio, regeneratio, vivificatio, fidei procreatio, ut & ſpei, & conſolationis; cordis purificatio, ac mundificatio, ſalvatio, obſignatio, &c. evincunt operationem effectivam. Atqui Scriptura S. illos effectus producit ex potentiâ ſibi congenitâ, & intrinſecus à Spiritu S. inditâ; uti modo eviſum. E. Scriptura S. in ſe, ex ſe, & per ſe aſſurgit ad operationem ultra objectivam, etiam ad effectivam.

26. Tertiò falſum eſt, potentiam illam ſupernaturalem, ſupervenire Scripturæ S. vel Verbo

**DEI**, eeu Enti jam in actu completo constituto, in morem accidentis. *Contra*: Quicquid Verbum **DEI**, quâ Verbum **DEI**, ac Scripturam S. quâ Sacram constituit; 2. ab alio Verbo quovis sive Angelico, sive humano; nec nō Scripturâ S. à quâvis alia sive profanâ, sive Ecclesiasticâ distingvit, & 3. sine quo Verbum **DEI**, quâ tale, ut & Scriptura S. quâ talis, rationem Verbi **DEI**, ac Scripturæ S. amittit; illud falsò statuitur supervenire Verbo **D E I**, vel Scripturæ S. forinsecus in morem accidentis. Atqui potentia illa supernaturalis Verbum **DEI** quâ tale, & Scripturam S. quâ talem constituit. Ubi non sufficit materiale, & formale qualitercunq; acceptum; sed θεόπνευστον, divina, potentiâ, spiritu, ac vitâ præditum. 2. à quovis alio Verbo, ac quavis Scriptura distinguit, 3. & sine quâ nec Verbum **DEI**; nec Script: S. vel cogitari potest. **E.** potentia illa supernaturalis falsò statuitur Verbo **DEI**, vel Scripturæ sacre accidentalis.

27. *Quartò* falsum est, Scripturam S. esse principium improporcionatum ad effectus supernaturales, ac salvificos producendos; ita, ut horum respectu mortuum, & exanime videatur, citra Spiritus sancti elevationem. *Contra*: principium θεόπνευστον, quod aliàs potentia **DEI** ad salutem; Verbum vitæ, Spiritus, & vita vocatur, & est; Cæcodoxè æstimatur improporcionatum ad effectus supernaturales producendos. Talis verò dicitur, & est Scriptura sacra 2. Tim: 3. v. 16. & aliis in locis. **E.**

28. Rivuli isti errorum in prima hypothesi,

ex

ex hoc veluti fonte communi derivantur 1. quodd  
 Rathmannus præter *Materialē*, & *formale* in Verbo  
 DEI, vel Scriptura S. qualitercunq; acceptum; de  
*requisito nobiliore* non fit sollicitus, vel id non ad-  
 mittat. 2. Quod non distinguat inter Verbum  
 DEI, ac Scripturam S. & postmodum inter Ver-  
 bum, ac Scripturam *in communi*. 3. Quod *Scriptura*  
*ram* S. ac Verbum DEI pro Instrumento bruto  
 passivo habeat Spiritus S. instar *securis*, & *canalis*.  
 4. Quod non distinguat inter *efficaciam* Scriptu-  
 ræ seu Verbi DEI, ejusq; *effectum*. Hic Scripturæ  
 S. contingens est, & *accidentalis*; illa vero eiden-  
 est *intrinseca*, necessaria, essentialis, ac perpetua.  
 5. Quod non agnoscat Scripturam S. vel Ver-  
 bum DEI, in se ac per se esse non modo princi-  
 pium *cognoscendi*, vel *μαθήσεως* unde oritur ope-  
 ratio *objectiva*; verum etiam *constituendi*, sive pra-  
 xeos, vel *πενέσεως*; unde oriatur operatio *effectiva*  
*supernaturalis*.

29. *Tertiam Hypothesin* in quantum attinet;  
 etiam falsum est: *Primò* scripturam (vel verbum  
 DEI) præditam esse lumine tantum *objecti*, vel In-  
 strumentali. *Contra*: Scriptura S. unico lumine  
 est prædita, quod ratione graduum illuminationis:  
 differt; nequaquam vero ut minus *principale*, vel  
*principale*; uti enim unus scripturæ *sensus*: Ita u-  
 num *lumen* revera; non duplex scripturæ S. est  
 statuendum.

30. *Secundò*, falsum est: Lumen *objecti* esse  
 obscurum, adeoque illuminari a Lumine ad-  
 ventitio. *Subjei*: *Contra*: Scriptura Sa-  
 ptura



cra nullâ indiget illuminatione: ipsa enim per se lucet in obscuro loco, 2. Pet: 1. vers. 19. Sicuti Sol nullâ indiget collustratione superiore, nulla n. talis datur: Rectè autem oculi mentis nostræ dicuntur illuminari; sed non alio lumine, quam quo scriptura sacra intrinsecè est prædita.

31. Ἡγὼ τὸν Erroris hujus *ψεύδος* hinc est, quod Rathmannus Script. S. lumen æque comparatum esse sibi imaginetur, uti se habet lumen aliquod Externum vel naturale, vel artificiale, vel medium, vel objecti, sed falsò. Nam nullum lumen Externum una operà, & objectum illuminat, & simul vim videndi in subjecto v.g. excæcato conciliat. Contra: Verbum Dei simul est lumine proprio præditum, Scripturaq; S. in se perspicua, lucerna vel lumen: est etiam medium, potentiam excæcatis oculis hominum videndi concilians, Psal: 19. v. 9. Lex Domini dicitur illuminare oculos. Sicuti supra dictum est, Scripturam S. non tantum esse semen; sed etiam terram reddere ex sterili fœcundam instar ignis, nivis, imbris, pluvie, & roris.

32. Quare procul faceßere jubemus Rathmanni similia illa Schvvenchfeldiana ab imagine, Nube & Statua Mercuriali desumpta, quibus ille Scripturam S. æquiparat. Nam licet imago faciem Regis repræsentans, prædita sit lumine aliquo: ita tamen comparato; ut tùm de se lumen spargere nequeat, sine lumine adventitio forinsecus; tùm in oculis cæci nil intrinsecus luminis operetur, id quod facit Scriptura S. extrinseci

feci luminis nullatenus indiga: sed proprio in  
 summâ copîâ abundans, instar Solis. Quo pacto  
 etiam altera similitudo à Nube desumpta suâ sponte  
 profligatur. Hæc enim in se obscura est, multo  
 minus videndi potentiam cæco confert. Scripta  
 verò s. tùm in se est lucida, & perspicua, mutua-  
 titio lumine neutiquam indiga Solis in morem;  
 tùm cæcis potentiam videndi confert. Paritèr  
*statua Mercurialis* solummodò est *signum*, ultra u-  
 sum monstratorium non assurgens, usque ad po-  
 tentiam nimirum ambulandi indendam viatori.  
 Scriptura verò s. utrumq; expedit, & viam mon-  
 strat, & vires ambulanti sufficit.

Quoad *Quartam* hypothefin: falsum est quoque:  
 in actu conversionis, illuminationis, regenera-  
 tionis, &c. Lumen Gratiæ Spiritus sancti ordine  
 Naturæ prius esse & operari, quàm lumen scri-  
 pturæ, vel scripturam ipsam salutaritèr intellectâ:  
 Contra: Lumen Gratiæ sive subiecti Spiritus s.  
 non est diversum à lumine scripturæ s. sed unum  
 ac idem. Ergo nil heic antecedit, nil sequitur;  
 non solum secundùm prius & posterius tempore;  
 sed etiam Naturâ: atque ita Lumen Gratiæ ante  
 vertere statuendum est, non scripturam ipsam;  
 ejusq; lumen; sed mentem hominis nondum il-  
 luminati nec conversi. Quò referri debet illud  
*Augustini* de Gratiâ præveniente, non Script: s. sed  
 subiectum in statu iræ, & peccati constitutum.


33. *πρώτον* Erroris *ψευδο*, quo hæc Hypo-  
 thesis nititur, inde est, quod Scriptura s. in se, &  
 per se, extra Spiritus sancti lumen gratiæ, in mo-  
 rem


rem alicujus instrumenti separati, à Rathmanno consideretur: quod postmodum ad actum conversionis, & illuminationis, Spiritus S. assumendo, sibiq; subordinando, ex immobili, reddat mobile; ex inanimato reddat animatum, inque vivam operationem deducat, uti loquitur in *Quæremiß. p. 31. 32. Demonstr. Cop. p. 4. B. in præfat. vom Gn. reich / B. 3. fac. B. S. 3. im Bedencken. p. 90. 91.*

34. Sed falso, Namq; impossibile est nominari, nedum dari Scripturam S. extra lumen Gratiæ, 2. Crassum, & ἀθεολογόν est Scripturam S. Instrumentis separatis, ac brutis adnumerare: 3. Fanaticum est, ac Schwenckfeldianum fingere: Scripturam S. spiritu, ac vitâ destitui; ac quippiam exanime, & mortuum esse, sine præveniente lumine gratiæ.

35. Atq; hæc etiam de Efficacia Scripturæ S. sensu orthodoxo in medium attulisse sufficiat, commemoratis, ac refutatis partis adversæ palmaribus Hypothesibus: Examen plenius, tum harum, tum aliarum Hypothes. v. g. de Verbo Dei Externo, ac Interno, &c. ad suum locum differimus. Hinc deducimus consecraria 1. Script: S. tum esse principium cognoscēdi, ac medium articulorū omnium de fide & moribus; tum 2. gignendi effectus salvificos; contra Pontificios, traditiones Ecclesiæ pro principio cognoscendi venditantes. 2. Scripturā S. esse omnium de fide ac moribus fundamentum primarium universale, immediatum, Normale tamen Eph. 2. v. 20. contra Pontif: suas traditiones crepantes. *Huml: com. 2. de Eccl. c. 10. &c.*












Biblioteka Jagiellońska



Biblioteka Jagiellońska



stdr0012641



